

西班牙之危機

譯日本『太陽』雜誌

君實

一
此次俄國革命其成功之迅速而偉大實足以震動歐洲之人心。與十八世紀末之法蘭西革命及一八四八年之革命熱勃興。殆相彷彿。如奧大利波赫米亞諸地之叛亂。瑞典國內之騷擾。皆其一例。然最足使人憂懼。至今日猶在危疑之中者。莫如世界大殖民國西班牙帝國目前之形勢也。

本年四月二十日組織前上院議長泊里都侯爵之自由黨內閣。何以至六月九日即仆。而僅有五十日之短命乎。六月十二日組織達士氏之保守黨內閣。何以就任未幾。而即陷於難境乎。此無他。則以帶政治色彩之同盟罷工。繼續勃發。高呼共和之聲。遍於各處。而加入聯合國之說。又雜於其間。致國中遂成民心洶洶之狀也。據法國某報所稱。加達羅尼州。獨立之熱極高。州中

各報公然發表論說。謂本州議會制定之法律以外。州人不當有服從西班牙法律之義務。而全國鐵路工人。且謀大同盟罷工。至於其他各處。亦無不類是。此種不穩之狀態。無非受俄國革命成功之刺戟。而顯示其爆發之勢。後此如何進行。由今日觀之。實足令人慄懼。茲就西班牙之形勢。略述於下。

二

今欲觀察西班牙之形勢。不可不先觀其開戰後政界之轉變。且研究不穩狀態發生期之所在。然後及於不穩狀態之解剖焉。

然則過去三年間西班牙政局之轉變如何。當開戰時（即一九一四年八月）之內閣。實為達士氏（即此次之首相）之保守黨內閣。達氏之先。自由黨領袖羅邁納耐氏。執政日久。以前一年十月辭職。保守黨遂起而

34682 見。蓋羅氏一派頗以經濟的社會的改革之旗幟得民心。故國中形勢。尙不至有釀成紛擾之狀態。然去年四月議會選舉之結果。政府黨(自由)竟占二百五十名。保守黨八十九名。其餘加理斯德黨、地方自由黨、共和黨等均不及百名。於是不平之聲。始起於國中。當時內閣一部分又有更迭。財政大臣維拉努華氏去職。亞巴代之。馬德里市長徐梅尼氏出就內務大臣。齊末諾氏起任外交大臣。然此皆非關國中反對派之要求者也。



然則西班牙民心之不穩。共和黨之反對帝政活動。英法參戰論之勃興。究在何時。以吾人觀之。大約爲本年初。惟今歲一月九日。首相羅氏。雖嘗以內政問題辭職。旋被挽留。亦尙與不穩問題無關。蓋是時羅氏對於德意志講和通牒及美國威爾遜大總統提議之措施。尙能邀國民之滿足。然而因外交

上經濟上種種事情之紛糾。民間之不平。已起於其時。共和黨之領袖諸人。因而漸舉非難政府之聲。此派議

西 班 牙 瓦 郎 之 官 署
於 德 意 志 講 和 通 牒 及 美 國 威 爾 遜 大 總 統 提 議 之 措 置 尙 能 邀 國 民 之 滿 足


員曾開親法的會議於馬德里。發表英法親善宣言。主張參加戰爭。此種思想。旋亦爲首相羅氏所同意。決計強硬對德。援助英法。然至本年四月。羅內閣辭職。浦理多內閣成立。共和黨聯合國派。不平勞動者等。皆以羅氏親善英法方針。爲羅內閣沒落之眞因。後繼內閣。雖有自由派之名目。恐其能力薄弱。不免爲德系所動。遂益示反對之態度。國內愈以擾攘。更越六月。達士氏之保守黨內閣。又復立朝。彼等愈覺此後國政。將爲局外中立派。親德系。守舊派所左右。紛亂遂因之更甚。西班牙國內形勢發展之經過。既如上所述。然吾人將如何觀此不平及紛擾之勃發乎。試更進而研究之。

三

34683
西班牙目前之不穩狀態。有遠因。有近因。俄國革命之成功。鼓舞其革命熱。固無可疑。然必其自身先有革命之空氣存在。斯能遇媒介而凝結。欲知空氣自身。則不可不求諸該國之歷史。地理。政治事情。及共和黨之性

質。今先觀其歷史。則其帝政殊不鞏固。現皇室亦與英國皇室等大異。一八一四年時。馬利克列斯卿太后攝政。遇軍民叛亂。政權被奪於愛斯帕鐵洛將軍。偕其情人出亡。一八六八年。叛軍得勝。伊薩俾拉女皇。出奔法國。有共和政府之組織。任大總統者。實爲塞拉奈將軍。一八七〇年。迎義大利皇子亞抹兜親王爲皇帝。及一八七三年二月。國民議會。以二百五十八票對三十二票之多數。更可決採用共和政體。此等事實。皆足見西班牙與現朝廷關係之淺薄。使大總統加斯的拉。非力主獨裁政治以違反民意。則三十七年以前。安有亞豐蘇第二卽位恢復舊皇之氣運。更進觀其地理。則國中有高山大川之阻隔。交通極爲不便。而其人民之種族言語。又多不同。分離熱強。統一不易。爲此特殊之地理的事情所支配者。已幾世紀。故其氣度自然狹小。况西班牙人民。感情素高。訓練不足。獨立自由之念又深。以反抗權力爲快。是其特質。欲其不如此也得乎。

34684 至於政局之所以糾紛。則共和黨之存在。實其主因。所謂共和黨者。固非僅一個之團體。其中分聯邦黨、改革共和黨、社會黨、統一社會黨、加塔洛尼國民黨、及急進共和黨等。其主張自勒路羅一派(急進派)之極端論。至哥羅彌那系一派之溫和論。雖有種種逕庭。然其主旨。大抵皆在恢復四十年前之共和政治。而希望地方之實際的獨立。彼等以國中政權。屢為保守自由兩派所左右。而西班牙皇室。又為婦人中心。政治上之重大事件。大都為色情關係及其他私人的關係所支配。回顧從前




西班牙瓦郎西之城通衢

之共和政治。不啻為黃金時代。故一遇機會。則其一部。即謀暴動叛亂之事。且其勢力。已侵入於西班牙各地之勞動者。屢次挑發同盟罷工等之暴行。如一九〇九年七月終因巴塞洛那大暴動焚燒寺院案而起之甫愛勒爾事件。一九一〇年巴塞羅斯市長之陰謀事件。本年一月以暗殺西班牙帝為目的之鐵路破壞計畫等。皆其例也。以上為革命空氣存在之遠因。加以近因。始足以見

國內之不穩與暴動之頻發。然則其近因中之重要者如何。上述俄國革命之成功。雖居其一。然以吾人觀之。則最近親德派與親英法派之爭鬪過激。與經濟的狀態困難。致民心不平。實其最重要之主因也。

34685
今先言經濟的狀態之困難。西班牙在地理上。本與英法接近。此次開戰以後。軍需品及其他之供給。似宜呈大好之景象。顧事實上乃適得其反。蓋得利益者。僅爲少數之軍需品製造業者。及船舶業者。然其規模狹小。於大局絕少影響。國外貿易。雖見輸出超過。但實因輸入減少。



西班牙巴塞那之市場

之故。真正之輸出增加。爲數絕微。加以原料品及食料之輸入。銳減。日用品騰貴二倍半至五倍。肉品及蛋類尤昂。其最廉者。僅有果物。至於各業工資。則反見低減。失業之人愈衆。而該國出產物之橙、葡萄、軟木塞等。因輸出之路既絕。致西南及西部人民。非常困難。而業漁之人。因英國之煤不至。無以發動漁船。凡類此者。不一而足。於是民間漸罵政府之無能。小規模之罷業。暴行。自去年年終。至於今春。相繼而起。且自潛艇活動。西班牙船隻。有被擊沈者。因之西班牙產物之輸出。與食糧之輸入。

34686 益加困難。民間不平之聲愈高。遂與同情於聯合國者之直布羅陀。並以摩洛哥之保護地域與西班牙。此外

而造成共和派活動之好機會焉。


欲知英法參戰運動之如何。及其運動與西班牙政界有若何之關係。不可不與該國國中之德意志系及親德系活動。相並而研究之。德意志系在西班牙之活動。有種種之分子。第一、德意志皇室。如一八七〇年因西班牙帝室結婚及帝位問題而起普法戰爭時。已扶植勢力於西班牙。而威廉第二自開戰以後。復甘言誘西班牙人。使之親德。許將來恢復英國占領



且與保守黨之一部。亦有同情。此外尚有一部分之人

更以種種之說。誘惑西班牙皇室及政客。其次。則目前德人僑居西班牙者約八萬人。汲汲鼓吹親德熱。與德國外交官聯絡。盡力於收買報紙。今馬德里府巴有力之報館七家。已被買收。揭塞載德國之無線電通信。及種種不利於聯合國之戰報。第二、西班牙之宮廷。多奧大利系之貴族。且多嫌法蘭西之頑固派羅馬教徒。此輩以英法之成功。為帝政顛覆無神論勝利之端。而深信德奧勝利。則帝政安全。而在羅馬府之法王權。可以回復。

民。尙記百年前法入西班牙之恥。遂亦表同情於德奧。此等要素。與德國月投十數萬金之新聞政策合。盡力於西班牙人對德國潛航艇策之憤怒。並欲使德國潛航艇得根據地於西班牙海岸。而與此德意志系親德系對抗者。則爲表同情於法國共和政府之共和黨各派。及主張自由主義民主政治深惡羅馬教會之自由黨一部。英法兩國方面。初時未嘗如德國之盡力於新聞政策。未以爲意。自去年以來。惕於德人之活動。知不可無防禦之策。乃亦



頗從事於此。於是演成德意志派與英法派之爭鬪。及今春德國無限制潛艇政策宣言發表。親英法派之攻擊。益里加激烈。而德意志系之辯護亦愈烈。此英法派之攻擊德國贊助聯合國運動。更利用西班牙經濟界之困難。以西班牙受德國潛艇之禍。致減少船舶。障害貿易。質言之。德意志派與英法派之爭鬪。乘入經濟界之難局而激烈。而帶門共和趣味之革命運動。亦乘此英德派爭鬪與經濟的難局之紛糾而起矣。

然此贊助英法派即共和黨

34688 及一部自由黨不平勃發之機會。以主張助英法參戰之首相羅邁納耐伯爵辭職爲主。蓋羅氏本主張維持中立。至於最近。一則因德國潛艇之活動。西班牙船隻減少。貿易上大受阻害。一則因英國近來急須援助聯合國。更無餘力出其船舶以爲中立國之助。（卽食料必需品之輸入、產物之輸出）將見中立國之產物亦受聯合國之虐待。故決計加入聯合國。以救濟西班牙之經濟界。遂受共和黨自由黨及勞動者之贊同。及羅氏退隱。人人皆以爲出於德意志派及中立派之畫策。共和及勞動者。憤怒如火。而共和黨之策士。更利用此形勢以謀活動。及後繼者浦利多內閣成立。不饜人望。大遭反對。五月二十八日開大會於馬德里府。議決各事。（一）西班牙不能孤立於戰爭之外。（二）西班牙須決定對於英國及聯合國之國際關係。（三）西班牙對於德國之無法行動。不可不斷絕國交。至於達士氏組織保守黨內閣。而反對遂益形劇烈矣。

四

西班牙國中不穩之形勢及由來。既如上述。然則共和黨一派之革命運動。果有無成功之望。試更進而考察之。此問題之進展。多原於政府之如何措置。今達士氏內閣之成立。則於此點極多不利。蓋保守黨與共和黨。素有夙怨。一九一三年時。保守黨首摩拉氏之成立。共和黨曾竭力反對。中止其組織。達士氏之資格。未及摩拉。而勢力閱歷亦較低。於一九〇九年甫愛勒爾事件之態度。尙不致招共和黨及其激烈分子之惡感。嗣是政略上代摩勒氏統率保守黨之大部分。但決不能與共和黨及過激分子相融洽。故此大保守黨之執政。實有挑發革命熱之可能性。可斷言也。顧爲西班牙國計。則維持帝政。實爲可慶之事實。蓋言現皇帝亞豐蘇第十三之人物。識見與其對各政黨及共和黨之態度。實可謂近世稀有之英主。卽共和黨中

之温和分子亦莫不欽敬之。

皇帝熱心於西班牙憲政發達。力圖掃除所謂循環政治之弊風。自一八八五年自由黨首領撒額斯塔保守黨加納華士兩人以協力保護帝政之目的。締結所謂厄爾巴度協約以來。此兩反對黨間。代握政權之制度。顯然確立。然皇帝知此種制度。不適用於憲政之本義。內閣之存立。應依得民心與否而定。故一九一二年末羅邁納耐內閣辭職時。皇帝特破除應命保守黨組織內閣之前例。以民信依然之理由。不許羅氏辭職。命之留任。於是保守黨員大驚。其首領摩拉。至宣告暫時退隱。此種措置。實足使憲政論者進步主義者共和黨員等。深為欣慰。而大呼文明之君主不置也。

34689
至於皇帝度量之宏大。尤可欽敬。其於共和黨員。但見其才堪任使。一律任用。初不以其黨籍為嫌。一九一三年一月。皇帝嘗召共和黨領袖亞斯加拉底及其黨中名士加細阿。加哈爾入宮。垂詢改良社會及教育之意。

見此事大為國人所頌揚。皇帝之出此種態度。實從前首相加奈勒哈氏之建策。皇帝亦深知共和黨中。實多富有新智識之人。以為學術教育改良社會諸事業。固多賴彼黨之力。故亦深相倚畀。此種態度。實足以緩和共和黨人。故亞斯加拉底嘗發宣言。謂凡有益於國家之發達者。雖在帝政之下。吾人亦不辭協力與之結合。一九一三年六月首相羅邁納耐氏在議會中。對於此宣言。曾深致感謝。因是之故。當大戰發生以前。共和黨已呈分裂之勢。思熱心顛覆帝政者。實居少數。開戰以後。皇帝之態度。在宮廷雖不免為親德系。然帝仍能以敏銳之眼光。觀察本國地位。實有不可反對英法之點。嘗親語某報記者曰。吾國固守局外中立。但在不背中立之程度。當表同情於英法。此足見帝之態度與保守黨之大部分及僧侶派等決非同一。較之俄羅斯皇室之失民心者。大有差異。故自吾人觀之。皇帝有此民望。大足阻止共和運動之成功也。

34690 然吾人以冷淡之頭腦。觀察西班牙之政局。竊以爲西班牙政府。此時不若以德國潛艇之暴行爲理由。決然贊助英法。較爲得計。蓋西班牙今日之憂。在於有制海權。且有多數船舶之英法。不能出其餘力。以表同情於中立國。故西班牙貿易不進。而經濟界遂生困難。一旦苟助英法。則英法必爲之謀救濟之策。與意大利同例。而共和黨藉經濟困難以煽動勞動界之策。亦必歸於失敗。且共和黨本以援助英法爲旗幟。政府果能實行。則若輩亦失其舉旗之口實矣。且援助英法之利益。不僅此也。卽西班牙政治家所希望之國運發展策。亦可因之而實現。去秋以來。摩拉氏等。曾力謀向英國索還直布羅陀。以爲西班牙好意中立之報償。今年三月黎俾辣將軍。亦曾言以亞非利加海岸修塔與英。而恢復直布羅陀。二月間。西班牙宜增

進摩洛哥南方之活動。而講亞美利加發展策之議論。又勃興於國中。要之歐戰之勝利。結果必在英法。若僅維持中立。究不足以達此等之目的。戰爭終了之際。地中海問題亞非利加問題等協定之日。卽至。必將由英法意葡等參戰諸國之決定。西班牙永守中立。安有發言之權。果能從羅邁納耐氏之策。速與聯合國協力。則聯合國亦必順西班牙之熱望。同意於其地中海亞非利加發展策。而許以有利之條件。蓋西班牙之參戰。不特其本國所當歡迎。亦大有影響於其同系統南美諸國之態度者也。以上略述吾人所見之一端。今後形勢如何發展。全視西班牙政治家對於戰事對於共和運動所取之政策如何。但拭目竢之可已。